

Sri Pahang, Sabah terikat 1-1

- Oleh Meja Sukan
- 12 Mac 2023, 11:54 pm



PEMAIN Sabah, Dominic Tan cuba mengawal awang import Sri Pahang, Kpah Sherman dalam aksi Liga Super di Stadium Darul Makmur malam ini.

PETALING JAYA: Sabah FC gagal meneruskan rentak kemenangan apabila diikat Sri Pahang FC 1-1 di Stadium Darul Makmur sebentar tadi.

Itu adalah keputusan seri buat kali ketiga Sri Pahang selepas empat perlawanan manakala kali pertama buat Sabah FC sekali gus kedua dua pasukan masih dengan kekal rekod tanpa kalah.

Dalam perlawanan tersebut, Sabah selaku pasukan pelawat lebih banyak memberikan tekanan kepada Sri Pahang apabila memperoleh beberapa peluang untuk membolosi gawang tuan rumah.

Peluang terbaik anak-anah buah Datuk Ong Kim Swee hadir pada minit ke-10 menerusi pemain import, Jailton Lourenco namun, percubaannya sedikit tersasar.

Tidak lama selepas itu, kerja keras pelawat akhirnya berhasil selepas tandukan Daniel Sang Ting gagal disekat Izham Tarmizi Roslan sekali gus meletakkan Sabah mendahului 1-0 pada minit ke-13.

Tersentak jaringan itu, tuan rumah memperbaiki rentak permainan untuk mencari gol penyamaan dan ia berhasil pada minit ke-25 menerusi penyerang import Tok Gajah, Kpah Sherman.

Pada minit ke-67 keadaan sedikit tegang apabila Kim Swee selepas dilayangkan kad merah kerana tidak puas hati dengan keputusan pengadil, Noor Azriel Baharuddin.

Keputusan seri 1-1 kekal sehingga wisel penamat dibunyikan selepas kedua-dua pasukan gagal mencari gol pendahuluan untuk keluar sebagai pemenang-
UTUSAN ONLINE